

**KOMMUNIMUT PILERSAARUMMUT TAPILIUSSAQ L7,  
NUUK ICEFIORD LODGE, KAPISILLIT – NUUK**



**KOMMUNEQARFIK SERMERSOOQ**

Sanarfinermut Avatangiisinullu Ingerlatsivik  
Forvaltning for Anlæg og Miljø

## **KOMMUNIMUT PILERSAARUMMUT TAPILIUSSAQ SUNAAVA?**

Kommunimut pilersaarummut tapiliussiaq tassaavoq ingerlaavartumik suliarineqartartoq, taamaattumik kommunalbestyrelse Pilersaarusionermut inatsit naapertorlugu (Pilersaarusionerq aamma nunaminertat atorneqartarnerat pillugit Inatsisartut inatsisaat nr. 17, 17. november 2010-meersoq) pisussaavoq, kommunimut pilersaarummik pisariaqartutigut malinnaatitsissalluni. Taamatut malinnaatitsinermit pilersaarummut tapiliussamut attuumassutilimmik pilersaarummi allannguuteqartoqartillugu imaluunniit ilanngussisoqartillugu ingerlaavartumik isumagineqartarpoq.

Kommunalbestyrelse kommunimut pilersaarummut tapiliussamik nunaminertamik atuinissamut sanaartukkanullu tunngasunik aalajangersagartalimmik taamaalilluni sukkulluunniit suliaqarsinnaatitaavoq. Taamaattorli taakku saniatigut Kommunalbestyrelse pisussaalluni, sukumiisumik aalajangersagartalimmik kommunimut pilersaarummut tapiliussaliussalluni:

- Nuna tamakkerlugu pilersaarusionerup kommunillu pilersaarusionerata piviusunngortinnissaanut qulakkeerinissaq pisariaqaraangat.
- Sanaartugassanik imaluunniit sulianut annerusunut pingaaruteqartunulluunniit nunaminertamik atugassiinnginnermi.
- Sanaartukkanik anginerusunik pingaaruteqarnerusunilluunniit isaterilinnginnermi.

Kommunimut pilersaarummut tapiliussiaq marlunnik immikkoortortaqarpoq

### **NASSUIAATITAA aamma AALAJANGERSAGARTAA.**

- **NASSUIAAMMI** kommunimut pilersaarummut tapiliussami siunertat inatsisitigullu sunniutit aamma pilersaarut pilersaarusionernut allanut sanilliullugu qanoq inissisimanersoq nassuiarneqarput.
- **AALAJANGERSAGARTAA** aalajangersakkanik pilersaarummik piviusunngortitsinermit malinnaatitsissutigineqartussanik imaqarpoq. Aalajangersakkat pingaarnertut inissillugit allanneqarput aammalu aalajangersakkat sukumiisunngorlugit allanneqarlutik. Aalajangersakkat tamarmik inatsisinut pituttugaapput, taamaattorli pissutsini immikkut ittuni, aalajangersakkanit sukumiisunit immikkut akuersisummik tunniussisoqarsinnaavoq. Tamatuma saniatigut aalajangersagartaa inatsisitigut pituttuisunik ilanngussanik nunap assitaqarpoq.

## **TAMANUT SAQQUMMIUSSINEQ**

Kommunimut pilersaarummut tapiliussiaq L7-1 Icefiord Lodge Nuuk, Kapisillit ulloq 6. septembari 2021-miit atuutilersutut nalunaarutigineqarpoq.

## **PILERSAARUT SUMI ATUARNEQARSINNAAVA?**

Pilersaarut Nunatta Atuagaateqarfiani imaluunniit kommunip nittartagaani [www.kp.sermersooq.gl](http://www.kp.sermersooq.gl)-imi atuarsinnaavat, kommunip innuttaasunik kiffartuussivianut imaluunniit Sanarfinermut Avatangiisinullu Ingerlatsivimmu Kuussuaq 2, 3900 Nuuk, oqarasuaat 36 74 00-imut saaffiginnillutit pissarsiarisinnaavat.

**IMARISAA**

<b>1. NASSUIAAT</b>	<b>4</b>
1.1 PILERSAARUSIORFIK	4
1.2 SIUNERTAQ AAMMA TUNNGAVIIT	4
1.3 PISSUTSIT PIOREERSUT	5
1.4 PILERSAARUMMI PINGAARNERIT	6
1.5 PILERSAARUSIORNERNUT ALLANUT TUNNGATILLUGU PISSUTSIT	13
1.6 PILERSAARUMMUT TAPILIUSSAP INATSISITIGUT ATUUFFII	14
<b>2. AALAJANGERSAKKAT</b>	<b>15</b>
<b>3. AKUERSINERMUT UPPERNARSAAT</b>	<b>22</b>
<b>4. ILANNGUSSAQ 1-4</b>	<b>23 - 25</b>

## 1. NASSUIAAT

### 1.1 PILERSAARUSIORFIK

Pilersaarusionermut immikkoortoq nunaqarfiup Kapisillit savaatileqarfiullu Neriunap akornanniittoq pinngortitaq nunataavoq immikkut aalajangiiffigineqanngitsaq, tassa immikkoortoq O. Immikkoortoq kangiuvooq kangermiillu kangerlummut iluliarpassuanittartumut pinngortitarsuarmut isikkiveqarluni.



Immikkoortoq  
Kangerluk iluliarpassuanittartooq



## 1.2 SIUNERTAQ AAMMA TUNNGAVIIT

Kalaallit Nunaanni takornialerineq inuussutissarsiutit annerit ilagaat, Nunanilu Issittuni tamani takornialerinerup ukiuni tulliuuttuni annertusigaluttuinnarnissaa naatsorsuutigineqarpoq. Nuup Kangerlua nunarsuarmi kangerlunni annersanut tulliuvoq takornialerinerullu iluani ilaatigut pisulluni angalaarnermut, aalisarnermut, sisorarluni arpannermut, imaatigut angallanneqarnermut, High End turismimut, Off The Grid turismimut il. il. periarfissaqarluarpoq.

Kalaallit Nunaanni aningaasaliissuteqartarnerunissaq pitsaanerusumik tunngavissaqarnissaa qulakkeerniarlugu, Inatsisartut inatsisaat nr. 34, 9. december 2015-imeersoq ulloq 1. januar 2016-imi akuersissutigineqarpoq. Pilersaarusionermit inatsit nutaaq naapertorlugu Kommunalbestyrelse qinnuteqartoq sinnerlugu ukiut marluk tikillugit nunaminertamik inniminniisinnaavoq. Qinnuteqartup nunaminertamik atuinissamat qinnuteqarnermini sanaartornissamat qinnuteqaat ilanngutissavaa. Kommunimut pilersaarummut tapiliussassatut siunnersuut una World of Greenland A/S-imit sanaartornissamat qinnuteqarnera tunngavigalugu suliarineqarpoq.

Pilersaarut tamanut tusarniaassutigineqarnerata kingorna Kommunalbestyrelsimit ulloq 24/1-2020-mi akuersissutigineqarnikuvoq.


Kommunimut pilersaarummut tapiliussaq naapertorlugu illuaqqat inuulluataarniuteqartut piujuaannartitsisut 50-it, illut sulliviit tallimat, neriniartarfik pitsaalluinnartunik nerisassaatik taakkunungalugu atasumik attaveqarnermik pilersitsinissaq periarfissaalissaaq.

Taamaattumik pilersaarutip siunertaa tunngavialu tassaapput:

- Takorniarnermut illuaqqanik / akunnittarfittut atuuffilinnik ukioq kaajallallugu atorsinnaasunut immikkoortumik L-imit nutaamik ilanngussisoqassasoq.
- Illuaqqat inuulluataarniuteqartut ukioq kaajallallugu atorsinnaasut 50-it pilersinnissaannut, illunik sullivinnik sisamanik, neriniartarfimmik pitsaalluinnartunik nerisassaatik taakkunungalugu attuumassuteqartoq attaveqarnerup pilersinnissaanik qulakkeernittoqassasoq.
- Aalajangersakkatigut ataatsimut sanaartugassat immikkoortunut aggulullugit sanaartorneqarnissaannik periarfissiisoq qulakkeerneqassasoq.
- Aalajangersakkatigut nutaamik puttasuliornissaq qulakkeerneqassasoq.
- Immikkoortumi tamarmi suliniutit piujuaannartitsisut, ilaatigut innaallagissiuutit anorisaatit pillugit aalajangersagaqarnikkut nassuiaatinik qulakkeernittoqassasoq.
- Illuaraqarfiup tungaanut aqqusiornissaq qulakkeerneqassasoq.

### 1.3 PISSUTSIT PIOREERSUT

Kapisillit kapisileqarfiupput immikkoortumiiporlu kuuk kapisileqarfik Nunatsinni kapisilinnut kuutuaq. Kuuk sersersuup tungaanut taserujussuarnut arfineq-marlunnut atavoq.



*Takussutissiaq 1 Appaluartoq = Illuaraqarfik pioreersoq*

Qanga nunaqarfik aalisarnikkut ingerlalluarnikuvoq, ukiunilu arlalinni aalisakkanik tarajortikkanik, saarullinnik kapisilinnillu nioqqutissiorfiunikuulluni. Ullumikkut aalisakkerivik kingulleq matunikuvoq.

Nunaqarfik nuunnguami pilersinneqarpoq, tasanilu sanaartukkani nutaannginnerpaaq umiarsualivillu inissisimapput. Ukiut kingulliit 15-it ingerlanerini Nuussuarmi, Kapisillit avannaata kangiani aasaanerani illunik aasarsiortarfippassuarnik sanaartortoqarpoq. Nunaqarfik 50-it missaanni inoqarpoq ikiliartorlutillu.

Kapisillit akianiippoq Neriunaq, tassaniipullu kommunimi savaatilituaq illullu aasarsiortarfippaaluit. Pilersaarutip inissisimaffia Kapisillit avannamut kangianiippoq nuunnguami, tassa kangerluup iluliarpassuanittartup tunganai.

Inissisimaffik immikkuullarissuvoq, tassanngaanniimmi kangerlummut iluliarpassuanittartumut kusanartumik isikkiveqarmat, tasanilu sanaartorfissaq piffusissamisoortutullusoq

killeqarfimmik kaajallanneqarsimalluni.


Kapisillit Nuummiit 75 km missaanni ungasissuseqarpoq, umiatsiamillu sukkasuuliamik angalaniaraanni 2 tiimit missaanni sivisussuseqarluni.

#### 1.4 PILERSAARUMMI PINGAARNERIT

Immikkoortoq L-itut aalajangersarneqassaaq, tassa takornarianut illuaqqanik akunnittarfinnillu il. il. periarfissiisussanngorlugu.

Nuuk Icefiord Lodge Nuup eqqaani takornarianut inuulluataarnartulimmik unnuisarfiuvoq nunarsuarmioqatitsinnut pinngortitarsuarmi kusanaqisumi eqqissisimaarlutik illuaqqaniittartunut atugassaalluni. Mittarfimmik alliliinissap kingunerisaanik tikittartut matuminnga atuisartut amerlinissaat naatsorsuutigineqarpoq pissutigalugu Nunatta Illoqarfiit Pingaarnersaannut Nuummut tikittarneq sukkanerulerlunilu ajornaannerulissamat.

Misigisaqarnissaq immikkuullarissuutinniarlugu illuaqqat nuunnguami inissisimaneri siammaqqassapput kangerlummut ilularpassuanittartumut akornusersorneqaratik isikkiveqarniassagamik. Illuaraqarfik nipaalluinnartutut misigisassaqarfiussaaq. Illuaqqanit, neriniartarfimmit sumiiffimmilu sorpassuarnit nipaassuseq misigineqartuaannarsinnaavoq.



*Takussutissiaq 2 Ammalortoq qorsuk: Anorisaatinut inissisimaffiusinnaasoq*

Nuummiit Kapisilinnut Targamik sukkasuujusumik qulimiguulimmillu ajornaatsumik naammagittaalliuutaasinnaangitsumillu angalaneq pisarpoq. Kapisilinniit illuaraqarfimmut

unnuiartortut aqquserniakkut ATV-nut immaqalu qamuterallannut ilaatillugit apuunneqartassapput.

Pilersaarummi illuaqqat 50-it pineqarput, taakkungannalu qulit kinisimaartarfimmik spa-mik peqassapput, aamma neriniartarfik toqqorsiviusalik illut sulliviillu pineqarput. Illuaqqat ikaartarfiusanik aqquteqassapput taakkunungalu innaallagissamut, imermut kuuffissuarnullu attavii takuneqarsinnaajunnaarneqassallutik.



## PILERSAARUTIP ALLAASERINERA

### ILLULIORTAASEQ

Nuuk Icefiord Lodge pillugu pilersaarutininut piginnittut illussanik titartaanernik peqarlutik anguniagaqarluartuullutillu Kommuneqarfik Sermersuup Illuliortaatsimut politikikiani suliniutinik naapertuuttumik suliaqarput.

*ILLULIORTAASEQ KINAASSUSERTALIK*

- Sumiiffik alakkartereerlugu illuaqqat tamarmik nunataanut naleqqussaqqinnaarlutillu immikkoortup ilusaanut naleqqussarlugit inississorneqassapput.
- Kalaallit qanga issumik qarmangaasa ilusaat qanoq ittuunerilu tunngavigalugit illuaqqat titartarneqarput. Silataani iigai sivingasuupput qalipaataalu naleqqussakkatut pinngortitamut naapertuullutik ikaartarfittullu aqputaa nunap ilusaanut naleqqussagaalluni.

#### *INUUNERMI PITSAASSUSEQ*

- Takornialerinerimi inuulluataarniutininik sanaartugassat pineqartillugit, atortussat pinngortitarlu pitsaalluinnartuussapput.

#### *PIFFISSAQ AAMMA SUMIIFFIK*

- Illuaqqat inissisimaffiitut ilusaannullu nunataq sumiiffimmilu silaannaap pissusai aallaaviulluinnarput.

## NUNARSUARMI ANGUNIAKKAT

Kommunalbestyrelsip 2019 aallartittoq FN-ip pijuartitsinissaq pillugu nunarsuarmut anguniagaasa 8-t aallunneqarnissaat akuersissutigivai. Kommunimut pilersaarummut tapiliussami pineqarput:



ANGUNIAGAQ		QANOQ
	<b>ANGUNIAGAQ 3:</b> Peqqissuseq aamma atugarissaarneq	Nuuk Icefiord Lodge pijuartitsinera tunngavigalugu suliffeqarfiussaaq peqqinnartog aamma tikeraanut Kapisilimmiunullu nuannersuulluni.
	<b>ANGUNIAGAQ 8:</b> <b>SULIFFISSAT</b> <b>PITSAASUT</b> <b>ANINGAASARSIORNERLU</b> <b>ANNERTUSIARTORTOQ</b>	Nuuk Icefiords Lodge-imi sulianut tunngatillugu Kapisilimmiut peqataatinneqassapput, taamaalillutik suliffinnik ilinniartitaanernillu nutaanik suliniuteqarnikkut pilersitat najugaqartunit iluaqutigineqassapput.
	<b>ANGUNIAGAQ 9:</b> <b>SULIFFISSUAQARNEQ,</b> <b>NUTAALIORNEQ AAMMA</b> <b>ATTAVEQAATIT</b>	Kapisilinniit illuaraqarfimmut angallanneq nipeqanngitsumik CO2-qanngitsumillu pisinnaavoq. ATV-t qamuteralaallu ullumikkut innaallagiartortutut sanaartorneqalernikuupput angallavissarlu ungasinnginnami ingerlaarfigneqarsinnaallunilu orsernermi ingerlaarneq naammassalluni.
	<b>ANGUNIAGAQ 11:</b> Illoqarfiit inuiaqatigiillu attanneqarsinnaasut	<p>Neriniartarfimmi nerisassat najukkameersuussapput. Ass. najukkami savaatilimmik suleqateqarnikkut aamma tuttu pisat atorlugit. Ungasinngisaanni eqaluit, kapisillit, suluppaakkat saarulliillu aalisarneqartarput. Sumiiffimmittaaq nerisassiarineqarsinnaasorpasuaqarpoq. Nerisassiassat avataaneersut sapinngisamik ikinnerpaat atorneqassapput, aamma illuaraqarfimmut nerisassiassanik angussisarnissaq najukkamiittut isumaqatigiissuteqarfigineqarsinnaapput.</p> <p>Pilersaarummut tapiliussaq naapertorlugu kikkulluunniit immikkoortumi sanaartorfiunngitsuni asiliartarfinnilu angalasinnaanissaannut pisinnaatitaaffeqarnissaat qulakkeerneqassaaq.</p>

	<p><b>ANGUNIAGAQ 12:</b> Akisussaassusilimmik atuineq nioqqutissiornerlu</p>	<p>Illuaraqarfimmi nukissiuuteqarnermut tunngasoq immikkoortunut arlalinnut agguataarneqassaaq. Imm. 1-imi illuaqqat qaavini seqinisaatit ikkussussapput kiisalu anorisaat ataaseq marlulluunniit. Ukiuni ataatsimiit marlunnet ingerlatereernermi paasissutissat naatsorsorneqassapput procentit kingulliit tamakkiisumik piujuartitsinermik atulerniassapput.</p> <p>Eqqakkat ikuallanneqarsinnaasut ikuallanneqarsinnaanngitsullu ataatsimut katersussapput Nuummullu assartorneqarlutik.</p> <p>Eqqakkat atorineqaaqqissinnaanngitsut anner-tussusaat ikilisarniarlugit eqqagassalerinertaa pitsaanerpaanngorsarneqassaaq. Eqqagassat atoqqinneqarsinnaasut annertusarniarlugit ikuallaavimmukaatassat uninngasuutigineqartussallu ikilisarneqassapput. Illuaraqarfimmi eqqakkat ikilisarneqarnissaat anguniarneqassasoq pingaaruteqarpoq. Plastikki periarfissaatillugu atoneerukkiartussaat.</p>
	<p><b>ANGUNIAGAQ 13: SILA PILLUGU SULINIUTEQARNEQ</b></p>	<p>Anguniagaq ersarippoq. Nuuk Icefiord Lodge CO2-mik 100 %-imik aniatitsisuusanngilaq. "Off-Grid Stand-alone"-imik atortuusivik atorlugu teknologii nutaanerpaaq nutaaliornermi atorineqassaaq.</p>
	<p><b>ANGUNIAGAQ 17:</b> ILIUUSEQARNERMI PEQATAANERMUT ILAASOQ</p>	<p>Nuuk Icefiords Lodge-imi sulianut tunngatillugu Kapisilimmiut peqataatinneqassapput, taamaalillutik suliffinnik ilinniartitaanernillu nutaanik suliniuteqarnikkut pilersitat najugaqartunit iluaqutigineqassapput.</p>


## 1.5 PILERSAARUSIORNERNUT ALLANUT TUNNGATILLUGU PISSUTSIT

### 1.5.1 NUNA TAMAKKERLUGU PILERSAARUSIORNEQ

Nuna tamakkerlugu pilersaarusiornermut tapiliussaqaq naapertuuppoq.

### 1.5.2 KOMMUNIMUT PILERSAARUT

Pilersaarummut tapiliussaqaq kommunimut pilersaarummut atuuttumut naapertuuppoq.



Kommunip Nunaannarmut Pilersaarutaa 2-2-mut siunnersuummi immikkoortumut pilersaarut una E3-miippoq.

Nunaannarmut Pilersaarut naapertorlugu sunngiffimmi illuaqqanik, takornarialerisunut illuaqqanik,

suliffeqarfinnut illuaqqanik il. il. sanaartornissamut akuersissuteqarfiusinnaanut tikkuarneqarlunilu killigi takutinneqarput.

### **1.5.3 QANGANITSAT ERIAGISASSAT IMAALIALLAANNARLUGIT PEERNEQARSINNAANNGITSUT**

Immikkoortup eqqaani qanganitsanik eriagisassanik nassaartoqarnikummat sanaartorneq pitinnagu Nunatta Katersugaasivia Allagaateqarfialu, NKA, immikkoortoq itsarnitsanut tunngatillugu misissuissaaq.

Eqqissimatitsisarneq aamma allatigut kulturikkut eriagisassanik kulturikkut kingornussatut illersuineq pillugu Inatsisartut inatsisaat nr. 11, 19. maj 2010-meersoq naapertorlugu qanganitsat eriagisassat pineqassapput.

### **1.5.4 AVATANGIISIT**

Assaanermut atatillugu mingutsitanik siumuisoqassappat Kommuneqarfik Sermersooq piaartumik ilisimatinneqassaaq.

Eqqagassanik avatangiisinut navianaateqartunik, ass. nunami uuliakunik eqqaaneq kommunimi eqqakkat pillugit malittarisassat kiisalu immikkoortoq pillugu inatsisit atuuttut naapertorlugit pissaaq.

### **1.5.5 TEKNIKKIKKUT PILERSUUTIT**

Sanaartorfik innaallagissamik imermillu imminut pilersussaaq.

Immap imianik tarajuaaneq imersinnaanngorlugu atorneqassaaq. Kuummiit tatsiniillu sanaartorfimmut pinngortitamit imermut ajortoqartillugu slangilersuisoqarsinnaavoq.

Innaallagissamik, imermik, kuuffissuaqarnermik kiassarnermillu pilersuineq illuaqqat, illut sulliviit neriniartarfiillu akornanni aqqusiat ataaticut pissaaq.

Kommuneqarfik Sermersuup akuersissuteqarneratigut imikut kangerlummut kuutsitassanngorlugit aaqqiivigineqarsinnaapput.

Immikkoortumik teknikkikkut atortuusivilersuisoqarsinnaavoq.

#### *Kiassameq*

Seqinermut tigooraatit ungasinnerusumilu anorisaatit pilersuinermit atussapput.

#### *Eqqagassalerineq*

eqqagassat ikuallanneqarsinnaasut ikuallanneqarsinnaanngitsullu ataatsimut Nuummi eqqagassaleriffimmut isumagisassanngorlugit assartussapput. Malittarisassat atuuttut malillugit Kommuneqarfik Sermersuumik isumasiuereernerme tamanna pissaaq.

#### *Sanaartorfissagissaanermut akitsuutut*

Nunaminertaalik sanaartorfissagissaanermut akitsuutinik isumaginnittuussaaq.

### **1.5.6 PILERSAARUTINIK ATORUNNAARSITSINEQ**

#### **1.5.7 TAMANUT SAQQUMMIUSSINEQ**

Kommunimut pilersaarummut tapiliussaq tamanut tusarniaassutigineqarpoq sapaatip-akunnerini 8-ni piffissami 31. marsi – 26. maaji 2021. Tusarniaassutigineqarnerata nalaani akissuteqaat ataaseq tiguneqarpoq, taannalu allannguutinik aaqqiinernilluunniit pissutissaqartitsingilaq.

Ulloq 6. septembarip 2021 Kommunimut pilersaarummut tapiliussaq inaarutaasumik atuutilersutut tamanut nalunaarutigineqassaaq.

### **1.6 PILERSAARUMMUT TAPILIUSSAP INATSISITIGUT ATUUFFII**

#### **1.6.1 INATSISITIGUT SUNNIUTAAGALLARTUT**

Kommunimut pilersaarummut tapiliussatut siunnersuut tamanut saqqummiunneqarpat, nunaminertat, illut atortuusiviillu siunnersuummut ilaatinneqartut kommunimut pilersaarummut inaarutaasumut tapiliussalluunniit imarisaanut sioqqutsilluni sanaartortoqassangilaq imaluunniit atorineqassangilaq (Pilersaarusiornermut inatsit § 31).

Kommunalbestyrelsip akerliliinissamut killigititaasoq qaangiutereerpat akerliliisoqanngippallu, atuinissaq sanaartornissarlunniit siunnersuummut naapertuutsillugu siunnersuummut ilaasumik atuinissamut sanaartornissamulluunniit akuersisinnaavoq (Pilersaarusiornermut inatsit § 31 imm. 2).

Inatsisitigut sunniutaagallartut tapiliussassatut siunnersuutip tamanut saqqummiunneqarnissaata tungaanut atuutissapput – taamaattoq siunnersuutip saqqummiunneqarneraniit kingusinnerpaamik ukioq ataaseq qaangiuppat. (Pilersaarusiornermut inatsit § 31 imm. 3).

#### **1.6.2 INAARUTAASUMIK INATSISITIGUT SUNNIUTIT**

Kommunimut pilersaarutip naammassineqarnissaanut, matumani nunaminertanik atugassiineq ilanngullugu kommunalbestyrelsimit isumagineqassaaq. (*Pilersaarusiornermut inatsit § 29*).

Pilersaarummut tapiliussap inaarutaasumik akuersissutigineqartup tamanut nalunaarutigineqareerneratigut, pilersaarummut tapiliussami aalajangersakkanut naapertuunngitsunik pilersitsisoqaqusaanngilaq. (*Pilersaarusiornermut inatsit § 30*).

Pisulli ilaanni aalajangersakkani sukumiisuni annikitsunik immikkut akuersisoqarsinnaavoq. Annertuumik nikingassutaasut kiisalu pingaarnertut aalajangersakkanit nikingassutaasut nutaamik pilersaarummut tapiliussassaliornissamik kinguneqassapput. (*Pilersaarusiornermut inatsit § 50*).

Nunaminertamik, illunik atortuusivinnillu atuinissaq maannamut atuutissaaq, akerlianillu ass. allannguineq nutaanilluunniit sanaartorneq kommunimut pilersaarummut tapiliussamut naapertuutissapput.

Kommunimut pilersaarummut tapiliussaq imaanngilaq nunaminertanik, sanaartugassanik atortuusivinnik sanaartortoqarnissaanik kinguneqassasoq.

## 2 AAJALANGERSAKKAT

“Pilersaarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-meersoq” naapertorlugu aalajangersakkat tullinguuttut kommunalbestyrelsimit aalajangersarneqassapput (Pilersaarusiornermut inatsit).

Aalajangersakkat § 20-mi aggulugaapput, pingaarnertut aalajangersakkat aamma § 21. aalajangersakkat sukumiisut.


Aalajangersakkat tamarmik inatsisitigut pituttugaapput, aalajangersakkalli sukumiisunit piomasaaqatit ilaat immikkut akuerisaasinnaapput. Pingaarnertut aalajangersakkat pilersaarutip imarisai tungaviusuupput, taamaammat aalajangersakkanit taakkunannga immikkut akuersisoqarsinnaanani.

### § 20. PINGAARNERTUT AALAJANGERSAKKAT

#### IMMIKKOORTUP ILAATA KILLEQARFEQARNERA

L7

Immikkoortoq asimiippoq immikkuullarissiq takornarianut illuaqqat atortuusiviillu



64 HA

#### 1. SIUNERTAA

- Immikkoortoq sunngiffimmi siunertamut atatillugu sanaartorfissamut atortuusivimmullu atugassiarineqarpoq: sisorarnermut atortuusivik, takornarianut illuaqqat, atuartut asiliartarnerat, akunnittarfiit, pisuttuartut allallut timersornermi sunngiffimmilu sammisanut.

<b>2. ATORNEQARNERA</b>
- Takorniarfissaq. Immikkoortup ilaa immikkuualuttunut marlunnut agguataarneqarpoq: Immikkuualuttoq 1: Puttasut, takornarianut illuaqqat, illut sulliviit illu/neriniartarfik. Immikkuualuttoq 2: Anorisaat mittarfik.
<b>3. SANAARTUGAQ</b>
- Immikkoortoq takornialerinermet atatillugu makkununga atorneqassaaq: Sisorartitsineq, takornarianut illuaqqat, tammaar-simaartarfinnut, pisuinnaat aqquaat, timersorner-mi sunngiffimmilu sammisassanut atatillugu sanaartornernut pingaarnertut atorneqartussat. Tamatuma saniatigut anorisaatit illullu naatsiiviit il. il. sanaartorneqarsinnaapput. - Illut quleriit marluk sanaartorneqarsinnaapput. - Sanaartorneq immikkoortunut agguassaaq.
<b>4. INISSAQASSUSEQ</b>
- Imm. nunaminertaq 64 ha. missaanniippoq. - Immikkoortumi illuaqqat 50-it tungaannut, illut sulliviit, illu pingaarneq neriniartarfitalik kiisalu anorisaatilik sanaartorneqarsinnaapput. Sanaartornissamut siunnersuut akuersissutigisaaq tunngavigalugu nunaminertamik piginnittoq ataaseq illunik tamanik sanaartussaaq. - Piffissaliussaasut iluini tamakkiisumik nunaminertat sanaartorfiunngippata sanaartornissamut periarfissaarutissaaq
<b>5. ERIAGISARIALLIT</b>
- soqanngilaq
<b>6. KILLEQARFIIT IMMIKKUT PIUMASAQAATITALLIT</b>
-
<b>7. ANGALLANNEQ AAMMA TEKNIKKIKKUT PILERSUINEQ</b>
- Aqquuserngit aqqusineeqqallu immikkoortoq O-kkut pisinnaavoq. Illuaqqanut il. il. eqqaaniittunut tamakku akornusersuisuussanngillat. - Qulimiguulimmut mittarfimmik qisummik saviminiusumilluunniit sanaamik pilersitsisoqarsinnaavoq.
<b>8. ILLOQARFIMMI NUTARTERINEQ</b>
-

**§ 21. SUKUMIISUMIK AALAJANGERSAKKAT**

**1. SANAARTUKKAP INISSISIMAFFIA**

**Imm. 1:** Sanaartukkat inissialiallu nutaat assimi ilanngussami 2-mi sanaartorfittut takutinneqartutut inissinneqarsimapput.

**Imm. 2:** Sanaartukkat nutaat 2-nik qulereeqarsinnaapput, portunerpaamik 8,5 m angullugit: Teknikkikkut atortulersuutit soorlu silaannarissarfiit assigisaallu portunerpaaffiit pillugit killiliussanut ilaatinneqanngillat.

## 2. ILLUAQQAT ISIKKUI

**Imm. 1:** Sanaartukkat nutaat seqinermut, anorimut isikkivimmullu sammitillugit ilusilersorneqassapput, kiisalu avatangiiseq eqqarsaatigineqassallutik.

**Imm. 2:** Takornarianut illuaqqat anginerpaamik 60 m<sup>2</sup>-mik angitigissapput.

**Imm. 3:** Neriniartarfik anginerpaamik 600 m<sup>2</sup>-mik angissuseqassaaq.

**Imm. 4:** Sanaartorfissani ataasiakkaani illuliat illulioriaaseq, atortussat qalipaatiillu eqqarsaatigalugit ataatsimoortutut isikkoqartinneqassapput.

### ILLULIAT SAQQAAT

**Imm. 5:** Illuliat saqqaanni atortussat tassaassapput qisuit, igalaamerngit, savimerngit ujaqqat imaluunniit skiffer.

**Imm. 6:** Sanaartukkat qalipaataat avatangiisiminnut naleqqussagaassapput (ilaatigut qasiartut, kajuartut qorsorpaluttullu)

### QALIAT QAAVI

**Imm. 7:** Qaliat qaavi minnerpaamik gradinik sisamanik uingatillugit aamma qalissiamik taartumik, qisunnik, skifferinik, seqinermut tigooraatinik imaluunniit qorsuusutut ilusilersorlugit qalluserneqassapput ilaatigut issuatsiaanik ivikkanillu ilallugit. Suussusaat naalakkersuisoqarfiup susassaqtup akuereqqaassavai.

**Imm. 8:** Seqerngup qinngornerinik tigooraatit, seqinisaatit assigisaallu illup qaliata iigaataluunniit ilaatut ilanngunneqarsinnaapput aamma inngiasutsitsissanngillaq.

### TUMMEQQAT MAJORALLAFFIILLU

**Imm. 9:** Majorallaffiit tummeqqallu qisuit atortussialluunniit aserfallajannigitsut atorlugit pilersinneqarsinnaapput.

### SILAANNARISSARFIIT

**Imm. 10:** Silaannarissarfiit, pujoorfiit assigisaallu inissialiat titartarneqarnerattut ilaasutut eqqarsaatigineqassapput.

### ALLAGARTARSUIT

**Imm. 11:** Ingerlatsinermut akunnittarfiullu atuuffianut attuumassuteqartumik illunut ataasiakkaanut allagartalersuisoqarsinnaavoq.

**Imm. 12:** Allagartarsuit atajuartussat taamaallaat suliffeqarfiup atia atuuffiatu pingaarnersaa pillugu paasissutissiissapput.

<p><b>Imm. 13:</b> Allagartarsuit ½ meterimit anginerussanngillat</p> <p>Illup saqqai qaliallu qaleruai allagartalersuutilu tamarmik Kommuneqarfik Sermersuumit akuerineqassapput</p>
<p><b>3. AQQUSERNGIT AQQUSINEEQQALLU</b></p>
<p><b>Imm. 1:</b> Aqqusineeqqat nunamut pioreersumut naleqqussarneqassapput, taamaattorli tikikkuminarnissaat eqqarsaatigineqassaaq.</p>
<p><b>4. NUNAMINERTAT SANAARTORFIGINEQANNGITSUT SUNNGIFFIMMILU ATORTULERSUUTIT</b></p>
<p><b>Imm. 1:</b> Tamakku seqerngup sammivia uingartarfiillu pitsaassusii eqqarsaatigalugit inissineqassapput.</p> <p><b>Imm. 2:</b> Immikkoortut illulionermut, aqqusineeqqanut aamma ataatsimoorullugit uninngaartarfinnut atugassiissutigineqarsimanngitsut sanaartorfigineqassanngillat attorneqarsimassanngillallu.</p>
<p><b>5. TEKNIKKIKKUT ATORTUUSIVIIT</b></p>
<p><b>Imm. 1:</b> Sanaartukkat nutaat nukissiuutinik piujuartumit imminut pilersussapput.</p> <p><b>Imm. 2:</b> Pilersuinermi ledningit tamarmik ikaartarfittut aqquitit ataatigoortissapput, aqputiniillu illuaqqanut ersittumiitinneqarsinnaallutik.</p> <p><b>Imm. 3:</b> Immikkoortup ilaanut teknikkikkut atortulersuutit soorlu transformatoriisiviit assigisaallu immikkoortup ilaanut pilersuinermit atortut inissineqarsinnaapput.</p> <p><b>Imm. 4:</b> Uffarfimmit imikoq kangerlummut kuutsinneqarsinnaavoq nunallu qaavatigut takuneqarsinnaasukkut ingerlaaffeqartinneqarsinnaalluni.</p> <p><b>Imm. 5:</b> Perusuersartarfimmit imikoq kangerlummut kuutsinneqarsinnaavoq.</p> <p>Anorisaatit amerlassusaat ilaatigut suussusaat/angissusaat kiisalu imikumut kuutsisinermit pilersaarutit ilanngullugit Kommuneqarfik Sermersuumit akuerineqassapput.</p>
<p><b>6. NUNAMINERTAT SANAARTORFIUNNGITSUT</b></p>
<p><b>Imm. 1:</b> Nunaminertat sanaartorfiunngitsut sanaartorfiutinneqassanngillat.</p>
<p><b>7. ERIAGINNINNEQ</b></p>
<p><b>Imm. 1:</b> Immikkut aalajangersagaqanngilaq.</p>
<p><b>8. PINNGORTITAMIK ILLERSUINISSAMIK SOQUTIGISAT</b></p>
<p><b>Imm. 1:</b> Immikkoortup aserorsarnera minnerpaaffianiissasoq qulakkeerneqassaaq.</p> <p><b>Imm. 2:</b> Immikkoortumi naasoqassuseq qulakkeerneqarlunilu attanneqassaaq.</p> <p><b>Imm. 3:</b> Naasut allameersut pissusissamisuunngitsut eqqutinnginnissaat anguniarlugu naatissinnaasatut ilanngussat suulluunniit oqartussaqaqarfimmit susassaqaqartumit akuerineqassaassapput</p>

<b>9. NUNALERALUNI NUNAMIK ATUINISSAMIK SOQUTIGINNINNERIT</b>
Immikkut aalajangersagaqanngilaq.
<b>10. ATAATSIMUT ATORTULERSUUTIT</b>
<b>Imm. 1:</b> Nunaminertat sanaartorfigineqanngitsut sunngiffimmilu atortulersuutit pillugit aalajangersakkat imm. 4 takukkit
<b>11. PIGINNITTUT PEQATIGIIFII</b>
<b>Imm. 1:</b> Piginnittut peqatigiiffiata sanaartorfiusumut attuumassuteqartut ikaartarfiit aqquit, aqqusineeqqat sanaartorfigineqanngitsullu aserfallatsaalinissaat isumagissavaat – matumani ukiukkutaaq.
<b>12. AVATANGIISIMIK MINGUTSITSINERMI KILLISSARITITAASUT</b>
Avatangiisit pillugit inatsit atuuttoq malinneqassaaq
<b>13. ILLUT NUKISSIUUTINIK ATUINIKITSUT</b>
<b>Imm. 1:</b> Sanaartorfiusumi nukissiuuteqarnikkut atuinikitsaq atorneqassaaq.

### 3 AKUERSINERMUT UPPERNARSAAT

Matumani kommunimut pilersaarummut tapiliusseq L7-1 Icefiord Lodge Kapisillit ulloq 31/8-2021 matumuuna Kommuneqarfik Sermersuumi Kommunalbestyrelsimut akuersissutigineqarpoq.

Kommuneqarfik Sermersooq ulloq. 31/8-2021

Charlotte Ludvigsen

Borgmesteri

Marie Fleischer


Konst. Kommunaldirektøri


Ulloq 14. septembarip 2021 Kommunimut pilersaarummut tapiliusseq inaarutaasumik atuutilersutut tamanut nalunaarutigineqassaaq.

N



### ILISARNARATINUT NASSUIAATIT/ SIGNATURFORKLARING

 Immikkoortoq / Delområde



**KOMMUNEQARFIK SERMERSOOQ**  
Sanarfinermut Avatangisinnullu Ingerlatsivik  
Forvaltning for Anlæg og Miljø  
Kommunimut pilersaarummut tapiliusaaq L7  
Kommuneplantillæg L7





**ILANNGUSSAQ 1 / BILAG 1**  
**IMMIKKOORTOQ L7 / DELOMRÅDE L7**


Februari / Februar 2021  
Uutuut / Mål: 1:5000  
A4

N




### ILISARNARATINUT NASSUIAATIT/ SIGNATURFORKLARING

-  Immikkoortoq / Delområde
-  Immikkuullarissiq / Detailområder
-  Sanaartorfiit / Byggeområde
-  Område til vindmøller / Område til vindmøller



N



**KOMMUNEQARFIK SERMERSOOQ**  
Sanarfinermut Avatangiisinullu Ingerlatsivik  
Forvaltning for Anlæg og Miljø  
Kommunimut pilersaarummut tapiuissaq L7  
Kommuneplantillæg L7

**ILANNGUSSAQ 3 / BILAG 3**  
**Illut akuttusuut / Bebyggelse**

Februari / Februar 2021  
Uutuut / Mål: 1:2500  
A4

